

دائرة مخصوصه

در سعادتده باب عالی جوارنده

محل اداره :

مشرق افکار

اخطار :

مسلكمزه موافق آثار جديده مع المنوئيه
قبول اولنور
درج ايديلهين آثار اعاده اولنور

دينه، فلسفه، علوم، حقوق، ادبياتده و سياستده و بالخاصه كرك سياستى و كرك اجتماعى و مردمى احوال و مشوره اهميه ديه بحث ايدر و هفته ده بر نشر اولنور.

آبونه بدلى

سنه لىكى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰	۳۰	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قىرله دن مقوا بورو ايله كوندريلىر سه سنوى
۲۰ غروش فضله آلنير

عدد : ۵۹

۶ شوال ۳۲۷ پنجشنبه ۸ نشرين اول ۳۲۵

اوجنچى جلد

فیهما من دابة [آیت جلیله سنه تکرار عطف نظر بیوریکز! ضمیر تنبیه ، سموات وارضه راجعدر؛ بوراده (دابه) کله سی مجاز اوله ماز . زیرا ، معنای حقیقیدن صارف برقرینه یوقدر . قرینه صارفه اولق اوزره یازیلان آیات جلیله ، سمانک ملائکه ایله مسکون بولندیغنه دلالت ایدیور؛ لکن حیوانات ایله غیر مسکون اولدیغنه حکم بیورمایورکه دابه نك حقیقیدن صرف اولماسنه برقرینه تشکیل ایتسون . آیات مذکورہ اجرامک ملائکه ایله ، بو آیت جلیله ده حیوانات ایله مسکون اولدقلرینه دلالت ایدیور . بوایکسنک جمعده نه محذور وار؟ یوقسه ملائکه ایله حیواناتک بر کرده اجتماعنی غیر معقول می کوریورسکز؟ اکر سمانه ملائکه نك وجودینه دلالت ایدر آیات قرآنیہ واحادیث نبویه ایله اوراده حیواناتک بولمادیغنه حکم ایتک ، وموجودیتنی کویستن آتی تأویل ایتک ایجاب ایدیورسه ملائکه نك ارضده موجودیتنی کویستن احادیث شریفه دلالتیله ارضکده حیوانات ایله مسکون اولمادیغنی ادعا ایتمه من ایجاب ایدر . ناصل؟ کوزومزه کیرن بوقدر حیواناتی انکار ایده بیله جکمی یز؟ البته خایر . اوله ایسه بر کرده ملک ایله حیوان اجتماع ایده بیلیر . برینک وجودی اوتہ کینک عدمنه دلالت ایتز . بو حالده « دابه » لفظنی معنای حقیقیسنندن صارف اوله رق بولمق ایسته دیککز قرینه شرعیه ، شرعاً قرینه اوله ماز . بناء علی ذلک اسباب علمدن اولان خبر صادقک ایکنجی قسمیله ده بو خصوص بزده معلوم اولیور .

برنجی قسمی اولان خبر متواتری ، « کذبہ اتفاقاری ممکن اولمایان برقومک خبریدر » دیه تعریف ایتدکیرینه واعترافکز وجهله بونده مخبر بهک امکانیله ولو تجربه و حدس طریقفلرندن بری ایله مشاهد اولسی شرط قیلندیغنه نظراً مانحن فیهمز اولان مسکونیت اجرام ، بونکله ده یک آجیق بر صورتده تحقیق ایدر .

اقطار عالمده کی علم هیأت متخصصلرینک بو خصوصی متفقاً خبر ویرمهلرینی ، وخصوص مذکورک عقلاً ممکن وبطریق الحدس مشاهد اولمسنی ، تواتر ایچون غیر کافی می بولیورسکز؟ علم منطقده حدسیاتک مثالی « نورالقمر مستفاد من الشمس » دکلیدر؟ بومضمونی هر عقل کندیلمکندن ادراک ایده من . آنجق علم هیأتجه ثابت اولمشدر . دیمک که هیأتجه اثبات اولتان مسائله حدس جاریدر . مانحن فیهمز نه دن جاری اوله مایور؟ حدسیاتده هر کسک متفق اولسی شرط دکلدر . علم منطقده مصرح اولان فکرایله حدسک فرقی بوراده ذکر ایتکه لزوم کورم . (العارف یکفیه الاشارة) پارس، لوندرد، برلین، استانبول، مصر ، طوکیو کی یکدیگره بعید محالده کی علم هیأت متخصصلرینک مسکونیت اجرامی متفقاً اخبار ایتهلری وبونک ممکن وبطریق الحدس مشاهد اولمسنی دوشونورسه کز خبر صادقک تواتر قسمی ده بوراده بولمش اوله جقسکز .

بوابده دخی ذات عالیرینه خالصانه برتوصیه ایتک ایسترم . اوده حضرت قرآنی بیضاوی مرحومک توجیهاته قصر بیورمامکزدرد . بیضاوی به اولان حسن ظن عالیری سزی معانی قرآنیہ بی تحدید

(۱) ملائکه نك بولندیغنی یرلرده دواب مشوته اولماقمی لازمکوز؟ اکر لازمکوز ایسه کره ارض جقنده بو خصوصده کی اخبار صحیحہ بی انکارمی ایدم ؛ دکلسه کره ارضده کی دوابی تعامی می ایدم؟

(۲) سورة بقره ده کی (وبث فیها من کل دابة) آیت جلیله سنی نه ایچون تأویل ایتمه رک اولدیغنی کی قبول ایدیور؛ حالوکه بوایکی آیتک الفاظ ومعانی شریفه سی همان بر کیدر . یوقسه دواب ارضیه بی چیکنه مک کوچی کلدی؟

(۳) تفاسیر قرآنیہ دن نه ایچون یالکنز قاضی بیضاوی مرحومک تفسیری نظر دقتہ الیور؟ سائر تفاسیر شریفه معتبر دکل؟ مثلاً روح البیان تفسیری بو ظلمتی اولدجه تنویر ایدیور .

(۴) وهی افندی نك دیدیکی کی هیچ بر وقت اون سکز بیک عالمه حصر وتحدیدی جائز اوله میان عوالم نامتناهیة الهیه ایچنده بزم ارضمنز مثللو دواب مشوته ایله مدبوب اجرام بولنورسه عظمت الهیه به - حاشا - بر نقیصه کلورمی ، زعم ایدلدی . اعتقاد فقیرانه مه کوره بالعکس ذاتاً حیرتخشی عقول اولان قدرت سبحانیہ بی انظارده دها زیاده اعلا واثبات ایدر (رب زدنی علماً) قرسی علی رضا

النشاشی



سکان سما

صراط مستقیمک الی آلتنجی نسخه سنده یونس زاده احمد وهی افندی طرفندن الی برنجی نسخه سنده کی مقاله عاجزی به مدافعه یازیلان سوزلری اوقودم . عاجز لری ، کرچه مقاله مذکورده ده علماء اعلام وهیانشناسان امت طرفلرندن کشاد اولنه جق باب مناظره به انتظار ایده جکمی یازمش ایدی ایسه مده ، مدافعه مذکورہ قانون مناظره و آدابندن خارج اولدیغنی کی مقاله عاجزینک دقایقنه کسب اطلاع ایدیله مه مش اولدیغنی کویستردیکی جهتله رد و مباحثه به محل اولمادیغندن سکوت ایده رک قارئین کرامک محاکمه لرینه حواله ایتکی مناسب بولمشدم . اخیراً بعض کیمسه لره سکوت ایله مقابله ، فکر وظنلرینه اولان اغترار و اعتمادلرینی تزیید ایده جکی ملاحظه سی عاجزلرینی مذکور امضا صاحبنه خطاباً و مقابله برقاچ سوز یازمغه ومقاله سنده کویستمک ایسته دیکی « فیفای فسیح قرآنی » برپارچه دارالتغه سوق ایتدی .

حضرت ! اسباب علمک اوچ اولدیغنی بزده اوقودق ، حتی اوقودق . برنجیسی ، که حواس سلیمه در ، اجرام سماویه نك بعضلرینک مسکون اولدیغنی دلائل و آثار به احساس ایتدیریور . ترقیات حاضره هیئته بی تعقیب ایده مه مک طولایسبله بو مسکونیتک حس بیورلما سی اربابی طرفلرندن محسوس اولمالرینی اقتضا ایتدیر من . بناء علیه اسباب علمدن اولان حس سلیم ایله بو خصوص معلومدر .

ایکنجیسی : خبر صادقدر . بودخی کمال طلاق و بلاغتیه بو خصوصی اشارت دکل ؛ تصریح بیوریور . استغذبالله [وما بث

ایتم که سوق ایتمه سون . زیرا بونکه روحانیت مشارالیهی خوشنود
ایتمش اولماز سکر .

اسباب علمک اوچنجیسی، که عقلدر ، بودخی اجرامک مسکون
اولسنی استبعاد ایتمز . زیرا عقل که نظر صحیحدر؛ اجرامک کره ارض
کبی فضا ده بر شمس اطرافنده دور ایتمدیکنی وارضه جاری اولان
لیل ونهار ایله مواسم اربعه انلرده دخی (یالکز اوزونلق و قیصلق
جهتیه تخالف ایده رک) تمامیه اجرای احکام ایلمدیکنی آکلاینجیه
قابلیت حیاتیه وعضویه لرینه کوره بر نوع دواب ایله مسکون اولملری
جهتی دوشونور . اگر عقل بونی دوشونه من واستبعاد ایدر فکرنده
اصرار بیوره جقسه کنز او وقت سزه توصیه اولنان علم هیأت
متخصصلریله مصاحبه یه تنزل بیورمک زدر . کوره جکسکر که سزکده
عقلک زرد ایتمه جکدر . اوزمان توجیه بیضاوی بی صیانه تفاسیر
شریفه سائریه قطعاً مراجعته لزوم کورمیه رک آیات جلیله ده مجاز
مرسلی ، یا تغلیب ویا مجاز عقلی بی آرمغه ، تطویل مقال ایچون تغلیب
ایله مجاز عقلی مبحثلرینی آروجه یازمغه لزوم کورمیه جکسکر .

سوره بقره ده کی « وبت فیها من کل دابة » آیت کریمه سی سمانک
غیر مسکون اولدیغنه دلیل ، وسوره شوراده کی « وما بت فیها من
دابة » آیت جلیله سی ضمیر تشبیه سنک ظاهرندن صرفه قرینه عد
ایدیلور . حالوکه سوره بقره ده کی آیت ، ارضه هر نوع حیواناتک
بت ونشر ایدیلدیکنک وحدانیت الهیه وقدرت فاطریه دلالت ایدر
آیات ربانیه دن اولدیغنی افهام بیوریور . سماده مشوث دکدر ، معناسی
آیت جلیله نک صراحتنده یوقدرکه سوره شوراده کی آیتک ضمیر
تشبیه سنده کی تغلیب ویا مجاز عقلی یه قرینه اوله بیلسون . زمینده حیواناتک
بولنسی آسمانده بولنماسنه قرینه اوله ماز .

سوره شوراده کی آیتک صراحتی قرینه سیله سوره بقره ده کی
(فیها) ضمیری ده (ای فی هذه المذکورات) دیه سموات وارضه
ارجاع ایدیلسه ده ایکی آیت جلیله نک مضمونلری بر اولسه اوزمان
یکدیگره اسماع مرام ایدمه جک قدر آرمه من آجیله جقدر . بناء علیه
آیت جلیله نک فقره اولاسنه دائر فضله سوز سویله مکه لزوم کورم .
فقره اخیره سنه کلانجه او بابده کی توجیه عالیلری مکرر دکدر .
آنجق فقره اولاسنده کی معنای حقیقی قبول ایدیلدکن صوکره
[که قرینه صارفه اولمادیغندن قبولی ضروریدر] عاجزلرینک نظر
حیرت واستطلاعمه انکشاف وتجلی ایدن دقیقه دخی جالب نظر دقندر .

ومن الله التوفيق سلا نیک اسکو بنی حافظ فرید

عالم اسلام

نوییه وره میه وعالم اسلام

عاقبتی تهلکه دن باشقه برشی اولیوب بناء علیه خاطری صایلور

برشی وارسه اوده بر مملکت ایچنده یشایان ملتلر آره سنده دوران
ایدن منازعه ملیه در . بر ملت حاکمه نک حسیات وطنیه و ملیه سی
نه قدر بیوک اولورسه اولسون ، بو حسیاتک مملکتک سعادتیه خدمت
ایده بیلمه سی بر شیئه توقف ایدر، که اوده ملت محکومه نک حیثیتی
کسر ایدر درجده مفرطانه اولماسیدر . ملیتی اورته یه آتوب دائماً
منازعه ملیه نک آرقه سنندن کیدیه جک اولورسه وای او مملکتک
حاله .! زیرا منازعه ملیه او یله مدهش برشیدر، که بوندن طولای
بتون دنیا آتشار حاله کیره رک اضمحلال کوز اوکنده مجسم بر
حاله کوزو کورکن کنه انسان بو آتشک ایچنه کندینی آتمقدن
هیچ بر وقت آله ماز . بناء علیه مدینتک حقیقی دشمنی منازعه
ملیه در .

اسلامیت عربستانده ائتشار ایدرکن قبیله لر بیننده کی اسکی
منازعه لری ، نهب وغارتلری سوپوروب آتهرق یرینه اخوتی
یرلشدردی . مثلاً : زمان جاهلیتده « اوس » ایله « خزرج » بیننده
وقوعه کله ن منازعه لر آرتق هر ایکسنک محو ومندرس اولماسنه ،
او حوالینک خرابه زاره دوغمه سنه سبیت ویرر درجه یه کلشکن
اسلامیت دیدیکمز قوه معنویه آره لرنده کی منافرتی بردن بره محو ایدرک
اخوتی قیامته قدر رفع اولمیه جق متین بر صورتده یرلشیدردی .
دون براوس بر خزر جی عدو حقیقی طانورکن فرداسی مدنیت اسلامیه
سایه سنده حقیقی دوستی ، میدان محاربه ده یکدیگرینک وجودلرینی
محافظه ایچون یکدیگرینه سپر اولدینی حالده کورولمشلردر . ذاتاً
ممالک اسلامیه نک پک آز زمان ظرفنده بویله تکامله ایرمسی ده کرک
اسلام ، کرک خرسیتیان اولسون وطنداشلا بیننده اخوتک صوک
درجه حکمفرما اولماسدن ایدی . اورطه لقدمه بویله اولمیه یی آمر بر
شی کورولیورایدیکه اوده ملت حاکمه نک رهبری اولان دین مبین
اسلامدر .

بناء علیه مختلف ملتلردن تشکل ایدن مملکتلرده عموم اهلینک
رهبری عد اوانسان مطبوعاته ترتب ایدن وظیفه ده تعصبات ملیه لرنده
پک ایلری کیتیمیه رک دائماً وطنداشلا آره سنده اخوتی ، صداقتی ممکن
اولدینی قدر یرلشدرمیه چالشمقندر . ایشته مملکتک سعادتتی دوشونه نلرده
بونلردر . اما کنندینه ملیتپرور سوسنی ویره رک وطنه خدمت نامنه
مملکت داخلنده کی ملتلری بر برینه دوشوره جک برطاقم اصلسز ،
اساسسز خبرلر نشر ایتمک ، دها طوغروسوی بر غزته جینک شاننه
یا قشیمیه جق یالانلر ارتکاب ایتمک ، وطنه خدمت دکل، بلکه جنایتدر .
دها طوغروسوی بر مجنونک اله آتش پارچسی ویره رک باروت
مخزننه صالویرمه سنه بکزرر . بلکه ده بوندن دها تهلکه لی برشیدر .
زیرا بو مجنونک ایراث ایدمه جکی یانفین مادی اولور ، آندن نصلسه
خلاص اولوق ممکن ؛ لکن بر غزته جینک ملتلر آره سنه نفاق تخملری
صاچوب حسیات ملیه لرینه طوقونمقدن حصوله کله ن یانفیندن خلاص
اولوق ایسه امکان خارجنده برشیدر . بووقت وطن محو اولور؛ بلکه
بتون دنیا تهلکه ده قالور . زیرا مختلف مملکتده یشایان ملتلر